

Хар газрин коммунистнрин үг

КПСС-н ЦК-н ноябрьск Пленумин дигин болн района партийн организацин төрмүдий тускар Черноземельск района партийн активин хург болонд күүндвр гарв.

— Хар газрин малчвр, КПСС-н XXI-ч хург деер «1959-1965 жилмүдт СССР-н олт-амтнэ эдл-ахун делгрлтин контролын тоогын тускар» үр Н. С. Хрущевин кех докладин тезисмүдиг таасдж, дөнънджәнэ — гидж доклад кесн КПСС-н райкомин селгәтр үр Ф. К. Букреев келв. Коммунистическ тосхлтин алдр программ олт күч-көлсчнриг шин дииврүр омгшаджана. Района МЖС-н кодлачнр КПСС-н XXI-ч хургиг уктдж, трактормуд болн селәнэ эдл-ахун машид яслгъан хург секгдх өдр күртл күцәх даалгъвр авб. «Черноземельский» совхозин хөөчнр ирх джилд 100 хөн болгънас 115-д хургъ, хөн болгънас 7,5 кг ноос авх болдж үгән өгцхäv.

Цааранднь докладчик долан джилн зуран агъу ик тосхлтин то илдәдж келәд, Хальмг АССР-н эдл-аху болн культур өргәр бас делгрдж өсхин тускар оньган тәвдж тодрхагъар хуртг келдж өгв.

Үр Н. С. Хрущевин докладин тезисмүдәр болн школин туск тезисмүдәр районд делгү ик күүндвр кегддж, олт күч-көлсчнр терүнд орлцдж сүв-селвгән келдж, партин батлсн алдр зураг хурдар күцәдк болх эв-аргъинь зааджацхана.

Партийн активин хуртг орлцсн коммунистнр КПСС-н ноябрьск Пленумин шийдврмүдиг таасдж, нег дуугъар дөнънцхäv. Эдн эврәннь сүв-селвгән бас келцхäv.

«Черноземельский» совхозин эклц партийн организацин селгәтр үр В. В. Емельянов, совхозин газрт нуурмуд олт, тегәд усчдг шовуд икәр өскдк болх аргъ бәәнә гидж келв. Болв эн кергиг ода күртл эклдж кех седвәр уга. Эн нуурмуд бәәх газр Ставропольск колхозмудин медлд бәәнә. Эн төриг даруд хагълдж, нугъс, галу өсклгъиг хооран саалго кех кергтә.

КПСС-н райкомин хойрдгч селгәтр үр С. Н. Наранов, районд шин совхозмуд бүрдәх төр хагълхмн гидж келв. Дәәнә урдк цагт мана

районд кесг колхозмуд бәәсмн. Ода тер газрмудар энъ-зах уга өргн элвг малин идг күцц олзгдл уга бәәхиг болн хальмгуд төрскн газрун нүүдк ирсәр, кодлмш кедж чадх улс-ин тонь чиги икәр өссиг тоолхла шин совхозмуд гаргъсн района экономикиг, нег үлү мана республикин эдл-ахун голлгч — торгын нооста хөд өсклгън хурдар кегдхиг теткхн лавта.

Партийн активин хург деер райо-на бәәрн газрин промышленностиг цааранднь делгрүлхд оньган тусхадж коммунистнр келцхäv. Артезиан поселкд промысловой артель бүрдәх төр тәвгдв. «Чолун хамрин» карьерт кодлмшинь дару механизировать кехмн, тингхлә джилдән энүнд 100 миньгън кубометр чолу гаргъдж авч болхмн гидж заагдв.

Негдгч номертә дундин школин директор үр А. М. Овсянников «Бәәдл-джиргъллә школмудин залгълдаг батрулгъна болн орн-нутт эрдм-сургъулин системиг цааранднь делгрүлгънә туск» тезисмүдәр багшнр болн сургъулин күүвдин эцк-экрннь күүндвр кегбәд икәр таасдж дөнънджәнә гидж келв. Селән газрт бәәх школмудин үвлин болн хаврин амрлгъинь эдл-ахун кодлмшин гү-дк цагла — үвләр хөд хургъуулгънла болн хаврин тәрәнә кодлмш эклдг цагла харгъулдж кесн чик болхмн гидж эн эврәннь селвгән келв. Ода, школин 15 сургъульчнр трактористин эрдм дасджана, мал аслгъна бригад бүрдәгдв, ирх джилд 100 гектар эрдмн-шишә тәрх, 1500 гектарт өвс хадж, хурадж авх зура сургъульчнрик производственн бригад батлв.

Селәнә эдл-ахун науксин кандидат үр Н. И. Басов өвс хадлгъна болн малин идгин газриг ясурулгъна тускар келв. Ирх долан джилд тәр-мл ногъа тәрлгъиг өргджүлхмн, юнъгад гихлә малд хотин бат көрнъ бүрдәлгънд эн ах төрнъ.

Докладар болсн күүндврт ут-турштан 14 күн үг келв. Партийн активин хург авсн шийдвртән КПСС-н ЦК-н ноябрьск Пленумин батлсн долан джилн зураг болн школин туск тезисмүдиг таасдж дөнънв.

В. ГРИГОРЬЕВ.